



*Rabu, 23 Juni 2022*

**Ogen: Kuan-kuanen 31:16-19,24**



**MEJINGKAT DINGEN NGGIT LATIH**



Mejingkat eme sada biak si man pebelinen ibas tep-tep manusia. Mejingkat rimbangken biak mekijat. Engkai maka kalak mekijat? Pasti mbue faktorna, salah sadana la nggit latih. Kalak mejingkat, labo igejabna latih, labo terbanca sinik, lit saja si idahikenna, sabab ibas ukurna melala kal sibanci ibahanna.

Teks sijadi renungenta paksa enda, seh kal semalna si oge, nuriken kuga luar biasana sekalak diberu, ndehara, nande ibas ngaturken geluh jabuna, dahinna rikut ras ngerancang erbage si mehuli ibas geluhna. Kai-kai siidahikenna siituriken ogenta enda nuduhkan kuga ia 'kreatif' ibas nikapken geluh ras masa depanna. Nukur juma, megegeh ras tutus erdahin, she berngi, nenun uis, erbahan baju ras gendit jenari idayakenna man perbinaga. Kerinana enda banci ilakoken ras idahikenna erkiteken ia mejingkat, la saja mejingkat tapi pe beluh ngatur waktu, terdauhen ia ngasup ngidah ras makeken peluang ibas kesempatan si lit. Bagepe nggit kepe ia latih, sabab la sitik kalak atena ngenanami gelih si luar biasa mehuli tapi la atena latih. Ngumban ras ngusih biak mejingkat ras nggit latih, mabai kita gelah nggeluh alu maksimal, makeken waktu, gegeh, potensi ras erbage kreativitas. Kai siituriken ibas renungenta eme konteks ibas jamanna, janah ibas kecibalta genduari kai ka si banci si lakoken, alu ngidah peluang ras kebutuhen 'pasar' ntah pe konsumen, sikembangken ibas dirinta.

Ula asuhi biak mekijat, pebelin biak mejingkat. Dahiken baginta, alu tutus ras ertanggungjawab, selebihna bagin Dibata ngkuhi ras masu-masusa. Gelah kai pe ulih sinanami kita erbahan kita 'bangga' ras ermalem ate.